

# LAWATAN KERJA KHAS PANGLIMA TENTERA UDARA KE PANGKALAN UDARA KUCHING

[airforce.mil.my/berita/acara-rasmi/3215-lawatan-kerja-khas-panglima-tentera-udara-ke-pangkalan-udara-kuching](http://airforce.mil.my/berita/acara-rasmi/3215-lawatan-kerja-khas-panglima-tentera-udara-ke-pangkalan-udara-kuching)

KUCHING, 23 Mac 18 - Panglima Tentera Udara, YBhg Jen Tan Sri Dato' Sri Hj Affendi bin Buang TUDM telah mengadakan Lawatan Kerja Khas ke Pangkalan Udara Kuching hari ini. Turut mengiringi beliau adalah AKS Operasi & Strategi, Mej Jen Dato' Hj Mohd Faudzi bin Hj Ahmad TUDM; Inspektor Jeneral, Mej Jen Dato' Johar Razali bin Hj Ahmad TUDM; Pegawai-pegawai Kanan TUDM serta Pegawai Waren TUDM, PW U I Mohamad Lockman bin Abdul Jabar.

Dalam rangka lawatan di sana, Panglima Tentera Udara telah membuat lawatan ke Wisma Bintara dan Blok Bujang Ahli Udara yang baru diubahsuai untuk keselesaan anggota pangkalan serta turut berkesempatan beramah mesra bersama ahli-ahli Wisma Bintara.

Terdahulu, Panglima Tentera Udara telah mengambil tabik hormat dan memeriksa kawalan kuarter sejurus tiba di Pangkalan Udara Kuching. Ketibaan Panglima Tentera Udara disambut oleh Komander Pangkalan, Kol Yee Yit Hong TUDM serta Pegawai-pegawai Eksekutif pangkalan.

Panglima Tentera Udara turut mengadakan sesi dialog bersama warga Pangkalan Udara Kuching untuk menerangkan inisiatif-inisiatif baru yang diperkenalkan kerajaan terhadap anggota ATM khususnya anggota TUDM disamping mendengar dan membincangkan isu-isu berbangkit yang diketengahkan oleh warga pangkalan.





